



შ-23-6/2067
22.06.23
2-ფ

21.06.2023
286/23

საქართველოს კომუნიკაციების
ეროვნული კომისიის თავმჯდომარეს,
ბატონ კახი ბეჯაურს

ბატონო კახი,

შპს „სელფი მობაილ“-ი (შემდგომში „სელფი მობაილი“) გაეცნო საქართველოს კომუნიკაციების ეროვნული კომისიის (შემდგომში „კომისიის“) მიერ საჯარო გაცნობისათვის, საჯარო კონსულტაციების დაწყების, კომენტარების წარდგენისა და ზეპირი მოსმენის გამართვის თაობაზე მიწისზედა სისტემებით ელექტრონული საკომუნიკაციო მომსახურების განსახორციელებლად რადიოსიხშირული სპექტრით სარგებლობის ლიცენზიების მისაღებად მრავალლიცენზიანი (თანმიმდევრული) აუქციონების გამოცხადების მიზნით გამოქვეყნებულ საკონსულტაციო დოკუმენტში განხორციელებულ ცვლილებებს, კერძოდ, მრავალლიცენზიან აუქციონებზე 1800მჰც სიხშირული ზოლის დამატების საკითხს, რის შესახებაც წარმოგიდგენთ ჩვენს პოზიციას.

2023 წლის 5 მაისს სელფი მობაილმა კომისიას მოგმართათ თხოვნით, გამოგეცხადებინათ აუქციონი მიწისზედა სისტემებით ელექტრონული საკომუნიკაციო მომსახურების განსახორციელებლად რადიოსიხშირული სპექტრით სარგებლობის ლიცენზიის მისაღებად, რადიოსიხშირული სპექტრის სიხშირული რესურსზე, კერძოდ 10 მჰც (2X5 მჰც), 1770-1775მჰც და 1865-1870მჰც სიხშირეებზე. აღნიშნული მომართვის საფუძველი იყო სელფი მობაილის სურვილი და შემხვედრი საჭიროება გააფართოვოს და გაუმჯობესოს თავისი 4G ქსელი, რათა მომხმარებლებს შესთავაზოს კონკურენტული და მაღალი ხარისხის 4G ინტერნეტი, აგრეთვე მრავალლიცენზიანი აუქციონების გამოცხადების საკონსულტაციო დოკუმენტში 800 მჰც დიაპაზონში ე.წ Spectrum Cap-ის დაწესება, რაც უზღუდავს სელფი მობაილს განავითაროს 4G ქსელი.

დღეის მდგომარეობით, შპს „სელფი მობაილი“ განიცდის რადიო სიხშირული სპექტრის უკმარისობას 4G ქსელის გაუმჯობესებისათვის, რის საფუძველზეც ჩვენს კომპანიას სამომავლოდ შეექმნება პრობლემა დააკმაყოფილოს მზარდი 4G ინტერნეტის მოხმარება, რაც პრობლემას უქმნის უსადენო/მობილურ ბაზარზე გრძელვადიანი კონკურენციის უზრუნველყოფის საკითხს.

„ელექტრონული კომუნიკაციების შესახებ“ საქართველოს კანონის 50-ე მუხლის მე-3 პუნქტის შესაბამისად, ელექტრონული კომუნიკაციების სფეროში კონკურენციის უზრუნველყოფის მიზნით, კომისიის დასაბუთებული გადაწყვეტილებით, რადიოსიხშირული სპექტრით სარგებლობის უფლება შეიძლება შეუზღუდოს პირს, რომელიც აუქციონის გამოცხადების მომენტისათვის დამოუკიდებლად ან/და მასთან ურთიერთდამოკიდებულ (აფილირებულ) პირებთან ერთად არის, ან აუქციონში გამარჯვების შემთხვევაში გახდება რადიოსიხშირული ზოლის კონკრეტულ მონაკვეთზე (რადიოსიხშირულ დიაპაზონზე) ან მსგავსი მახასიათებლების მქონე რადიოსიხშირული ზოლის კონკრეტული მონაკვეთების (რადიოსიხშირული დიაპაზონების) ერთობლიობაზე აუქციონის

გამოცხადების შესახებ კომისიის გადაწყვეტილებით განსაზღვრული რადიოსიხშირული რესურსის მაქსიმალურ ოდენობაზე მეტის მფლობელი. ზემოაღნიშნული საკანონმდებლო ნორმის საფუძველზე, რადიოსიხშირული რესურსის მაქსიმალური ოდენობა, შესაძლებელია, დადგინდეს, როგორც რადიოსიხშირული ზოლის კონკრეტული მონაკვეთის (რადიოსიხშირული დიაპაზონის) ფარგლებში, ასევე მსგავსი მახასიათებლების მქონე რადიოსიხშირული ზოლის კონკრეტული მონაკვეთების (რადიოსიხშირული დიაპაზონების) ერთობლიობისათვის. მსგავსი მახასიათებლების მქონე რადიოსიხშირული ზოლის კონკრეტული მონაკვეთების (რადიოსიხშირული დიაპაზონების) ერთობლიობა უნდა მოიცავდეს ისეთი სახის რადიოსიხშირულ დიაპაზონებს, რომელთა გამოყენებაც შესაძლებელია ერთი და იმავე ელექტრონული საკომუნიკაციო მომსახურების მისაწოდებლად;

როგორც თქვენთვის ცნობილია, 1800 მჰც დიაპაზონში:
მაგთიკომს გააჩნია - 59.8 მჰც
სილქნეტს - 59.8 მჰც
სელფი მობაილს - 20 მჰც

ხოლო 800/900/1800/2100 მჰც დიაპაზონებში ჯამურად:
მაგთიკომს გააჩნია - 126.2 მჰც
სილქნეტს - 123.4 მჰც
სელფი მობაილს - 70.98 მჰც

მაგთიკომსა და სილქნეტს, სელფი მობაილთან შედარებით 3-ჯერ მეტი სიხშირე გააჩნიათ 1800მჰც დიაპაზონში, რაც 800/900/1800/2100 მჰც დიაპაზონებში ჯამურად 44%-ით მეტის სიხშირეს ნიშნავს.

უსაღწერო/მობილურ ბაზრის სეგმენტზე კონკურენციის მისაღებ მინიმალურ დონეს წარმოადგენს მინიმუმ სამი ოპერატორისათვის კონკურენტული სამოქმედო პირობების შექმნა, რომ მოცემული აუქციონის ფარგლებში უნდა განსაზღვროს ისეთი სახის დასაშვები რადიოსიხშირული რესურსის მაქსიმალური ოდენობა, რომელიც საშუალებას მისცემს მინიმუმ სამ ქსელურ ოპერატორს, კონკურენტული უსაღწერო/მობილური მომსახურება შესთავაზოს აბონენტებს.

აუცილებელია, რადიოსიხშირული რესურსის მაქსიმალური ოდენობის დადგენისას გათვალისწინებულ იქნას საქართველოში ჰარმონიზებულ დიაპაზონებში, სულ არსებული (ხელმისაწვდომი) რესურსი, კერძოდ ლიცენზიის მფლობელების სარგებლობაში არსებული რადიოსიხშირული რესურსი, აუქციონის ფარგლებში ხელმისაწვდომი რესურსი, ისევე, როგორც ის თავისუფალი რესურსი, რომლის აუქციონზე გამოტანაც შესაძლებელია აუქციონის გამოცხადების მომენტისათვის.

ყოველივე ზემოაღნიშნულიდან გამომდინარე მიგვაჩნია, რომ მიღებულ უნდა იქნეს სამართლიანი და დასაბუთებული გადაწყვეტილება, მრავალლიცენზიანი (თანმიმდევრული) აუქციონების ფარგლებში 1800მჰც დიაპაზონში ან/და 800/900/1800/2100 მჰც დიაპაზონებში დასადგენი რადიოსიხშირული რესურსის მაქსიმალური ოდენობის (ე.წ. Spectrum Cap) შესახებ, სადაც გათვალისწინებული იქნება უსაღწერო/მობილურ ბაზარზე რადიოსიხშირული რესურსის მართვის კუთხით საერთაშორისო გამოცდილება და საქართველოს ბაზარზე რადიოსიხშირული რესურსის განაწილების კუთხით არსებული სიტუაცია, რაც თავის მხრივ, უზრუნველყოფს ინფრასტრუქტურულ დონეზე კონკურენციის ხელშეწყობასა და შემდგომ განვითარებას. ასევე, სამართლიანად და მიზანშეწონილად მიგვაჩნია კომიის მიერ გამოყენებულ იქნება 2014 წელს გამოყენებული მიდგომა სიხშირული სპექტრის განაწილებისათვის, როდესაც ე.წ. Spectrum Cap-ის ოდენობა წარმოადგენდა შესაბამის დიაპაზონში მთლიანი სიხშირის მოცულობის 1/3-ს თითოეული მობილური ოპერატორისათვის.

მპს „სელფი მობაილი“
იურიდიული სამსახური უფროსი
ირაკლი ესართია

